



TERKINI UTAMA & SENSASI



By *Mohd Arshad* 25/06/2022 0 25

Lembaga Hasil Dalam Negeri Malaysia (LHDNM) mendapat pujian Perdana Menteri, Datuk Seri Ismail Sabri Yaakob dan Menteri Kewangan, Datuk Seri Tengku Zafrul Tengku Abdul Aziz.

**Ikuti Mynewshub: Facebook, Twitter, TikTok, Telegram, Instagram**

Pujian itu ekoran kejayaan agensi kutipan cukai negara tersebut berjaya mengutip lebih RM140 bilion hasil cukai bagi tahun 2021.





Ia merupakan peningkatan sebanyak 17 peratus berbanding tahun 2020 sekali gus memudahkan usaha kerajaan membantu meringankan beban rakyat.

Termasuk melalui pelbagai agihan bantuan secara terus seperti Bantuan Prihatin Rakyat, Bantuan Prihatin Nasional dan Bantuan Keluarga Malaysia.

Sebenarnya pencapaian LHDNM sejak sejarah penubuhannya memang sangat memberangsangkan kerana mampu merekodkan kutipan hasil setiap yang disasarkan.

Malah pada tahun 2020, LHDNM merekodkan jumlah kutipan cukai RM123.09 bilion disebalik Malaysia sedang bergelut dengan impak ekonomi diakibatkan pandemik Covid-19.

Kutipan yang dibuat itu adalah lebih RM1.393 bilion atau 1.15 peratus lebih tinggi berbanding sasaran iaitu RM121.7 bilion.

Pada tahun ini unjuran hasil daripada cukai langsung adalah kira-kira RM139.3 bilion dan LHDNM amat optimis ia realistik dan boleh dicapai.

Kejayaan LHDNM itu tidak akan tercapai tanpa kesungguhan dan ketelusan para pegawai dan kakitangan agensi kutipan cukai negara tersebut.

Tanpa kesungguhan dan ketelusan oleh para pegawai dan kakitangan LHDNM, Malaysia akan kehilangan hampir separuh daripada jumlah pendapatan negara.

Implikasinya sudah tentu amat buruk kepada rakyat kerana tanpa dana mencukupi mustahil segala nikmat yang kita kecapai sebagai rakyat Malaysia ketika ini mampu kekal.

Dengan demikian seharusnya rakyat Malaysia mengucapkan terima kasih kepada LHDNM dan memberi dokongan penuh kepada agensi itu dalam melaksanakan tanggungjawabnya.

Kejayaan LHDNM bermaksud kejayaan buat Malaysia dan seluruh anggota masyarakatnya.

**-Mynewshub**

PROMOTED CONTENT



